

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Urkunden und Akten der Stadt Strassburg

Politische Urkunden von 1266 bis 1332

Wiegand, Wilhelm

Straßburg, 1886

1293

[urn:nbn:de:bsz:31-326704](https://nbn-resolving.org/urn:nbn:de:bsz:31-326704)

suis euntes, quocunque locorum perveniant navigia^a, si quo casu contingente rupta fuerint vel ad terram pervenerint, ne periculum naufragii cum rerum suarum dimer- sione perpersi aliquod in bonis suis idcirco dispendium sustineant vel jacturam, sed tam navigia quam navigantium bona illis reserventur, ad quos spectabant, ante- quam navigium hujusmodi periculum incurrisset, sublata penitus omni consuetudine locorum. volumus itaque fideles nostros cives Argentinenses consistere in omni jure et honore atque constitutione, sicut a divis imperatoribus et regibus predecessoribus nostris eorum fuerunt temporibus sublimati, statuente et regali edicto districte precipientes, quatenus nulli unquam hominum sublimi vel humili, ecclesiastico vel seculari, hanc nostre donacionis seu confirmacionis paginam infringere sit licitum^b vel ei ausu temerario contraire. quod qui presumpserit, triginta marcas^c auri componat, quarum medietas camere nostre, reliqua vero passis injuriam persolvatur. quod autem presens concessio et confirmacio robur obtineat perpetuo valiturum, presentem paginam conscribi et sigillo nostre celsitudinis fecimus roborari. testes hujus rei sunt venerabiles Cunradus Argentinensis, Petrus Basiliensis episcopi, principes nostri karissimi, Eberhardus de Catzenellembogen, Albertus de Hayerloich, Fridericus de Liningen comites, Otto de Ochsenstein^d, Gerlacus de Bruberg et Heinricus de Fleckenstein nobiles et alii quam plures^e. datum Spyre 16 kalendas aprilis indictione sexta, anno domini millesimo ducentesimo nonagesimo tercio, regni vero nostri anno primo.

S aus Straßb. St. A. AA art. 1 nr. 20 or. mb. c. sig. pend. Gut erhaltenes großes ziegelrothes Königssiegel an dunkelrother seidner Schmur.

S 1 coll. ibid. or. mb. c. sig. pend. Siegel gleich beschaffen wie bei S. Das Stück aber ist von andrer Hand geschrieben.

Gedruckt aus dem Briefbuch A fol. 17^a ibid. nur mit Zeugen- und Datumsangabe bei Schöpflin Als. dipl. II, 59 nr. 787. — Böhmer R. Ad. nr. 107.

189. *Beschluß der drei Straßburger Capitel über Theilnahme und Ausschluß von Gebannten bei dem gemeinsamen Mahle am Weihnachtsfest. 1293 December 12.*

Quoniam prestatio refectionis, que ministrari in festo nativitatis domini et diebus sequentibus duobus in refectorio ecclesie Argentinensis prelati et canonicis, vicariis et aliis clericis et pueris ejusdem ecclesie et aliarum conventualium ecclesiarum sancti Thome et sancti Petri singulis annis consuevit, interdum fuit impedita propter sententias excommunicationum latas in aliquam vel aliquas personas ecclesiarum predictarum, ad obviandum impedimento hujusmodi deinceps nos . . . prepositi . . . decani et capitula ecclesiarum predictarum statuimus et statuto decrevimus perpetuo servaturo, quod omnes hii, contra quos excommunicationis sententie sive de jure sive de facto in posterum fuerint promulgate, a choro et refectorio se debent absentare, hiis tamen exceptis, qui a capitulo suo non vitantur, nec divina in sui presentia propter eos obmittantur propter excommunicationis sententias, quas latas esse post appellationem legitti-

a) S † navigia perveniant. b) S † licitum sit infringere. c) S † libras. d) S † Ossenstein.
e) S † plures alii.

mam vel intollerabilem errorem aut a non suo iudice recognoscit capitulum suum; nec
 per observationem hujusmodi debet absentium juri prejudicium aliquod generari nec
 ulla exceptio ex hoc adversario suo competere, cum ipsi non timore sententiarum,
 sed ratione presentis statuti editi ad vitandum turbationem communem se subtrahere
 a nostro consorcio teneantur. si qui autem transgressores fuerint et^a non obstante
 5 statuto predicto in choro vel refectorio in dicto festo nativitatis aut duobus diebus
 sequentibus se voluerint inmiscere, eo ipso per . . decanos eorum debent moneri et
 eis in virtute obediencie precipi, ut juxta hujusmodi nostrum commune statutum se
 subtrahant; alioquin in hiis tribus ecclesiis, si obedire eis noluerint, communione
 nostra carebunt necnon fructibus prebendarum suarum et voce in capitulo, donec
 10 ad arbitrium decanorum nostrorum vel duorum ex eis, decano majoris ecclesie
 semper in numero existente, satisfecerint competenter. qui autem extra nostrum
 consorcium fuerint et a sede apostolica vel legatis ejus aut propria auctoritate se
 recipi postulaverint, non recipiantur, antequam ipsi vel eorum procuratores habentes
 ad hoc mandatum hujusmodi statuta se promittant servaturos. si vero contra omnes
 15 et singulos prelatos et canonicos alicujus capituli de predictis excommunicationis
 sententie prolatae fuerint, totum hoc capitulum nos vitabit nec quicquam de refectione
 predicta est absentibus ministrandum; si autem singuli de capitulo denunciantur,
 excepto uno vel duobus, in illo vel in illis totum jus ecclesie refectionis residebit.
 hoc quoque statutum servandum est inter nos et a nobis in aliis festis, in quibus
 20 conveniemus, sive in majori ecclesia sive sancti Thome aut in ecclesia sancti Petri.
 nos autem . . prepositus . . decanus et capitulum ecclesie Argentinensis, quamvis
 propter sententias aliquas contra nos latas in dicto festo nativitatis et duobus diebus
 sequentibus interesse non possimus choro vel refectorio, nichilominus aliis duobus
 capitulis sancti Thome et sancti Petri, vicariis aliis clericis et pueris tenemur
 25 refectionem debitam exhibere cum omni presentia reverentia ac servicio ministrorum,
 ac si presentes essemus; eo etiam adjecto, quod, si propter interdictum generale
 vel aliquod impedimentum commune in festo nativitatis et duobus diebus sequentibus
 servire non possemus, quod aliis diebus, quibus conveniemus, scilicet festo pasche
 vel pentecostes juxta arbitrium domini nostri . . decani cum omnibus condicionibus,
 30 quibus tenemur, ut predictum est, serviemus, scilicet si cum carnibus, cum carnibus,
 si cum piscibus, cum piscibus, et alias, ut serviremus in festo nativitatis domini,
 si hujusmodi non esset impedimentum vel interdictum. promittunt^b etiam hoc
 statutum omnes, qui de cetero in hiis tribus ecclesiis in canonicos et in fratres
 recipientur, se inviolabiliter servaturos. in quorum evidenciam sigilla ecclesiarum
 35 nostrarum presentibus sunt appensa. actum sabbato ante festum beate Lucie anno
 domini 1293.

T aus Straßb. Thom. A. Statuts lad. 2 or. mb. c. 3 sig. pend.

B coll. Straßb. Bez. A. G fasc. 2719 or. mb. c. 3 sig. pend. laesis.

Gedruckt nach T bei Ch. Schmidt Hist. du chap. de s. Thom. p. 337 nr. 53.

a) *B om. et.* b) *B promittent.*